

Реша убо князи ¹² к митрополиту, яко да отвещает. И начат ¹³ сице: — Мне не подобаше ¹⁴ отвещевати ныне, пръвое — яко да ¹⁵ противу высоте и величеству моего Христа съборныа и апостольския церкви кто есмь аз отвещавати, часть сый ея меншаа и отнуд ничто же. Второе: яко и князи, иже яко судия председящей, прилежать к части съпротивных, и несть подобно да показую в яже от них съпротив глаголемаа оправдания благочестиа, яже суть богодохновеннаа Писаниа (и паче же книги пророческия). ¹⁶ Третье: яко и предан в пленение есмь, и вем от господа и бога и спаса нашего ¹⁷ Иисуса Христа, яко, по еже предану быти въпрашаем, не отвеща. Обаче, понеже повелевает се великий амира и рассмотря, яко бог дасть ему господский разум, — рабу бо и прилучьшемуся ест еже видети ¹⁸ о единой догмате, и се едва, господин же, таже и имаа в области своей многы роды, подобно ¹⁹ ест видети о всяких догматах ²⁰ с истинною — сего ради хошу рещи о иже в нас благочестии, еже аще дасть божие слово в отвръзение уст моих. И се сътворю не к хионеном || отвещавая; ^{л. 236} сии бо — и о(т) них же слышахом пръвее о них, (и от них) ²¹ же ныне глаголють — еврее суще являються, а не турци. Мне же ныне не к евреем слово.

Таинство убо нашего благочестиа сице имат. Един бог ест, иже присно сый и пребываай в веку, безначялен, неприменен, бесконечен, неизменен, несеком, не слит, не объят; всяко же здание тленно ест и превратно, и самое бо начаю превращение ест от не сущего в еже быти привед. ²² Тый убо бог, единый ²³ безначялен, несть бесловесен. Тый (бог), ²⁴ единый ²⁵ безначялен, несть непремудр. Тем же слово — божие и премудрость божиа; премудрость бо в слове и кроме слова премудрость несть. Аще убо бе некогда, егда не бе слово и(ли) премудрость божиа, прочее бе егда бе бог безсловесен же и безпремудростен, еже нечестиво ест и немощно. Тем же безначялно ест и слово божие, и премудрость божиа никогда же (не) ²⁶ разлучается от него. Но ниже слово обретается когда кроме духа, еже и вы, турци, исповедуете, Христа бо глаголюще ²⁷ быти божие слово и дух божий быти того глаголете, яко никогда же от святого духа разлучаема. Имат убо бог Слово и Дух, безначалне и неразлучне с ним суа и пребывающе; || ни бо бе когда бог, ниже будет ниже буж(ду)хновенен или безсловесен. ²⁸ Единою убо суть три та, и Три — едино. Имея убо бог Слово и Дух, не якоже мы имамы, сице и тый имат (в въздух расходящаяся), ²⁹ но ³⁰ боголепне и яко в притчи. ³¹

Якоже ³² озарение солнечное ражается от него и луча солнечная исходит от него и даже до нас съходит, и никогда же отлучаются от круга ниже озарение, ниже луча. Тем же и сиа глаголюще солнце, не глаголем другое паче единого. И сице Слово божие глаголюще бога, и Духа святого, не иного бога глаголем паче единого, иже безначалне и присносущне събезначалному Слову и Духу зримаго. И тако нас научило ест веровати (и исповедовати) ³³ сам Христос, божие Слово. Не токмо же Христос, но и Моиси в Десятословьи, его же вы, хионене, предлагаете, сего ради «Господь бог господь един ест» рече, трищи ³⁴ рек Единого того: дващи ³⁵ бо рече «господь», единою же «бог», — яко да покажет Три та

¹² боляре АДЕ. ¹³ И нет в АДЕ; Доб. митрополит глаголати Д. ¹⁴ не подобает Е. ¹⁵ Нет АБВДЕ. ¹⁶ Восст. по АБВДЕ. ¹⁷ моего АБВДЕ. ¹⁸ ведети АБВДЕ. ¹⁹ потребно АБВДЕ. ²⁰ Доб. и АБВДЕ. ²¹ Восст. по АБВДЕ. ²² пришед АБВДЕ. ²³ един и АДЕ. ²⁴ Восст. по АБВДЕ. ²⁵ един и АД. ²⁶ Восст. по АБВДЕ. ²⁷ глаголете АДЕ. ²⁸ или без Духа, или без Слова АДЕ. ²⁹ Восст. по АБВДЕ. ³⁰ В ркп. не, восст. по АБВДЕ. ³¹ Доб. показати Д. ³² Доб. солнце на небеси — круг и Д. ³³ Восст. по АБВДЕ. ³⁴ трижды АДЕ. ³⁵ дважды АДЕ.